

112 年全國語文競賽原住民族語朗讀 【鄒語】 高中學生組 編號 3 號

yonghu ci 'oyona

a'amtũ kokaekaebe ho mi'o meelũ i'upu tamo na'no amnũ ci  
peistotothomũ, 'a Voe Noacachiana ne Ngibiei na a'o, 'o emoo'u mo yonto  
Yo'hunge to Nia'ucna ne Psoseongana, 'a lamia (lamza) toh'usnu ta  
Tapangũ, zou mi'o nuvohe ta Yasiyungu, 'e conoemoo'u pantomo loete'e ci  
mameoi, na'no yonghu ci inohe, yaafeangoa ci amoconi, totontone ci  
inoconi ho i'o Pasu'e pop'eokoa ta ino'uconi, 'so a'amtũ angu kaebu 'oyo  
toaphoyũ, ko'ko lasicuno yainca to vanmsi “ Voe snooknoko ”, 'o Pasuya la  
kaebuc'o tiupuzu, ko'ko lahecuno tos'onki ho yainca “ Paasu'e yafeu ”, la a'  
amtũ'so somatos'onkoa na nia noana'oto.

ne fuengu, cuma na teno'so hioa ho lac'u feungna! ci 'alano  
ngiteuyunu ngicu, la'u atva'esi kaebu suchipi to Ak'i'u, zou holano  
eũsvũsvũtũ, lasi ahtaote sotaica 'o Patunkuonũ, hocu eukukuyungva, zou  
va'hũ ta maemoemoo, Yamasiana, Fozuci chumu, Mohkuv'oci c'oeha,  
Himeuci chumu, tac'uno peela ta'sansana co'cohivi 'e 'oyonato. aovaho ho  
isicu ec'ũha to emoono papua, feongono voyũ, tuhiu, holano tisngusngu,  
tuteongo, a'upu hola tufngi tola atva'esa smoyoaci yoi, 'a la'us'a ahta  
ta'hupsoni ho na'no taunona'vũ, ko'ko la'ucuno na'no kaebu fihto  
amo'uconi ho cocoeconũ ta cpucpuhu, mioci to'o'ofeihni no caphũ no  
noana'oto, lasi yainca to Ak'i “ lako letmaseiti, at'inghi ma lahe yaezac'o  
pohpoengoma na su, zou hoci o'te einuu ho bobochio ta hpũhpũgũ, mala

a'amtũ sokoeva”. zou 'o'oko! te'o ocia tuhtuocosi na muu “ honciko  
yupteilũ no kua'ongaci moatũ'nũ, teko a'amtũ meemconmcoi? ”, tuh'unasi  
ci tu'iei, teoteo'io hocu miezuhu mi'usni si isi ngov'eni ta tonghifa no  
pacpaca ci nia yasngũ no micuno yuepũgi ci nia 'oyocpucpuhu.

ta yonghu ci ma'o'oyonamia, la ahoi hotusbukua to 'eema ta totoavaha,  
homio, lamia(lamza) aesiesii at'ocũ yupa to'to'usnu, la kiotokai hocino o'te  
smuhnu, e'vono lamia ngoseo, at'inghi o'a lamia(lamza) ecvũhuci 'tohungũ  
acuhũ na'no 'aveoveoyũ. zou ho lano yofna no mio, nahoeno uhto f'uf'ue,  
aothomũ m'oyũcũ ho ta'hongi 'e aukukuyungusu, hocu aemũ'au  
teoumcomco, 'ola teo'si ” la ake'i nvecũ hocu aucunu psoetiskou  
ci 'a'akuini ”, ma a'amtũ naa'no yonghu! zou 'ac'ono'so a'amtũ 'e  
Nia'ucna 'omo yaa sũptuci mav'ov'oci yonghuci congeoha. ne noana'o ta  
fuengu, lahe hucocoveozai to toa'ho'ho'e Cou, zou na a'amtusi-- 'a  
latono'so fihto pahsusufta no noana'oto, yupa nananghinghia, yupho'eocũ,  
ko'ko lato na'noc'o kokaekaebe ci to'tohungũ, 'a ohela pahsansana to  
maameoito “ 'e mao'o'oko 'a toehungu to 'o'oko, 'e mamameoi zou maezo  
toehungu to maameoi ” ta Cou! uk'a cilas'a thi'cia ho lenoabonũ, ko'ko lato  
ianan'ou a'amtũ na'no'aveoveoyũ kokaekaebe nanaehuehunga tamo  
yonghu ci 'oyona!

美麗的家鄉

里佳村 Ngibiei 的莊家是達邦大社與安家是親家。我家有一位是啤酒肚的老人、漂亮的媽媽、健壯的叔叔，多才多藝的阿姨，還有阿姨的乾兒子 Pasuya，他實在太愛到河流，所以叫他「水獺 Voyu」。

Pasuya 喜歡玩火，大家都叫他「火焰 Pasuya」。

晚間會一起烤火，祖父說故事時，會以玉山為中心延伸，曾文溪、楠梓仙溪、荖濃溪、莠菇巒溪、濁水溪，讓我們瞭解家鄉。蟻獅洞、飛鼠洞穴、救命水、徒手捉魚、採蜂蜜、取最危險的蟲（火攻虎頭蜂），真是百聽不討厭。

我喜歡跟著叔叔，追循先人的足跡到野地散步，阿公常說：「你是獵人，也是獵物，不尊重及不認識山林很危險，如果遇見黑色的山羊（狗熊），你真的會裝死嗎？」鬼異的微笑、轉頭望著牆上的豬下額骨。

家鄉五月為採筍季，會依傳統相互幫忙，有換工或請工（宴請分享親友）。這時節的夜晚都是螢火蟲！

我們依循先人訓誨，相親相愛，心靈很快樂。長輩們說：「小孩是大家的小孩，老人是大家的老人！」每一個人都非常快樂及心存感恩！